

Menntamálaráðherra og samgönguráðherra annars vegar og sveitarfélögin í Eyþingi hins vegar fyrir hönd eftirtalinna sveitarfélaga á Norðurlandi eystra: Akureyrarbæjar, Aðaldælahrepps, Arnarneshrepps, Dalvíkurbyggðar, Eyjafjarðarsveitar, Fjallabyggðar, Grímseyjarhrepps, Grýtubakkahrepps, Hörgárbyggðar, Langanesbyggðar, Norðurþings, Skútustaðahrepps, Svalbarðshrepps, Svalbarðsstrandahrepps, Tjörneshrepps og Þingeyjarsveitar gera með sér svofelldan

S A M N I N G

um samstarf ríkis og sveitarfélaga á svæði Eyþings um menningarmál.

1. gr.

Markmið

Tilgangur samningsins er að efla menningarstarf í Eyþingi og beina stuðningi ríkis og sveitarfélaga í Eyþingi við slíkt starf í einn farveg. Jafnframt er með samningi þessum stefnt að því að tryggja sem best frumkvæði og áhrif sveitarfélaganna við forgangsroðun verkefna og auka samstarf þeirra við framkvæmd og stefnumótun menningarmála í landshlutanum.

2. gr.

Menningarráð Eyþings

Menningarráð Eyþings er samstarfsvettvangur sveitarfélaga á Norðurlandi eystra og hefur meðal annars það hlutverk að samræma aðgerðir á sviði menningarmála í Eyþingi og standa fyrir öflugu þróunarstarfi í menningarmálum. Það úthlutar fjármagni til menningarverkefna á Norðurlandi eystra samkvæmt ákvæðum samningsins, setur árlega fram stefnu í menningarmálum, auk þess að hafa eftirlit með framkvæmd samningsins.

Menningarráð skal skipað þremur fulltrúum austan Vaðlaheiðar og þremur vestan Vaðlaheiðar. Auk þess tilnefnir Háskólinn á Akureyri einn fulltrúa.

Kostnaður við starfsemi ráðsins, m.a. vegna aðstöðu og starfsmanns, skal greiddur af því fé sem veitt er til að efna samning þennan og með beinum framlögum sveitarfélaganna á svæðinu.

3. gr.

Ríkisframlag til menningarmála

Stuðningur ríkisins, f.h. ríkissjóðs við menningarstarf og samstarf sveitarfélaga í Eyþingi samkvæmt samningi þessum er tvíþættur:

- a. Veitt er fé til einstakra verkefna, sbr. 5. gr. samningsins.
- b. Veitt er mótframlag til reksturs Menningarráðs Eyþings, sbr. 2. gr. samningsins

Menntamálaráðuneyti og samgönguráðuneyti beita sér fyrir því að framlög ríkisins verði að lágmarki sem hér segir:

- a. Árið 2007 25 millj. kr.
- b. Árið 2008 30 millj. kr.
- c. Árið 2009 31 millj. kr.

Menntamálaráðuneyti greiðir framangreind framlög f.h. ríkissjóðs árlega til Menningarráðs Eyþings, samkvæmt greiðsluáætlun sem ráðið leggur fyrir menntamálaráðuneyti eigi síðar en 15. október ár hvert til samþykktar.

Fjárveitingar eru með fyrirvara um samþykki Alþingis.

Greiðslur samkvæmt þessari grein taka hvorki til greiðslna til byggðasafna, náttúruminjasafna eða listasafna á grundvelli safnalaga nr. 106/2001 né til héraðsskjalasafna á grundvelli laga um Þjóðskjalasafn Íslands nr. 66/1985 með síðari breytingum. Samningur þessi nær ekki til annarra framlaga ríkisins á fjárlögum, en birta skal yfirlit yfir framlög til þeirrar starfsemi í fylgiskjali með samningnum. Samningur þessi nær ekki til framlaga ríkisins til menningarstofnana á Akureyri svo sem nánar er tilgreint í samningi ríkisins og Akureyrarbæjar frá árinu 2006. Framlög til stofnstyrkja eru ekki hluti af samningi þessum og skal um slíka styrki semja sérstaklega milli aðila.

4. gr.

Hlutverk sveitarfélaga

Sveitarfélögin í Eyþingi beita sér fyrir því að heildarframlög þeirra til menningarmála verði að lágmarki sem hér segir:

- a. Árið 2007 470 millj. kr.
- b. Árið 2008 470 millj. kr.
- c. Árið 2009 470 millj. kr.

Sveitarfélögin skulu vinna að því að auka ráðstöfunarfé Menningarráðs Eyþings hvort heldur er með framlögum frá einkaaðilum eða með eigin framlögum. Skal við það miðað að árið 2008 nemi framlag sveitarfélaganna a.m.k. 17,5 hundraðshlutum af þeirri heildarfjárhæð sem veitt er til verkefnastyrkja og 25 hundraðshlutum árið 2009. Framlög sveitarfélaga til reksturs Menningarráðs Eyþings, sbr. 2. gr. teljast hluti af ofangreindum skuldbindingum sveitarfélaganna.

Sveitarfélögin skulu greiða að lágmarki þriðjung kostnaðar vegna starfsemi Menningarráðs Eyþings, þ.m.t. skrifstofuhald og laun, árið 2008 og helming kostnaðar árið 2009.

5. gr.

Meðferð styrkumsókna

Menningarráð Eyþings úthlutar fjármagni til menningarverkefna á Norðurlandi eystra á grundvelli umsókna og gerir skriflega samninga um skyldur styrkhafa vegna þeirra verkefna sem hljóta styrk. Í samningum skulu koma fram markmið verkefna og hvaða

mælikvarðar verða lagðir til grundvallar þegar árangur er metinn. Auglýst skal opinberlega eftir umsóknum um styrki.

Taka skal m.a. mið af eftirfarandi við afgreiðslu umsókna að:

- efla samnýtingu og samstarf um menningarmál á svæði Eypings;
- styrkja menningarlega stöðu svæðisins;
- bæta nýtingu fjármuna til málaflokksins;
- leggja áherslu á samkenni og sérkenni;
- tryggja sem flestum aðgengi að menningu;
- styðja við menningarhátíðir og viðburði;
- auka stuðning við menningarstarf ungs og aldraðs fólks;
- auka veg menningartengdrar ferðaþjónustu og styðja við verkefni sem gætu orðið aðdráttarafl á svæðinu;
- efla nýsköpun í menningarverkefnum og menningartengdri ferðaþjónustu.

6. gr.

Aðrir styrkir

Samningur þessi kemur ekki í veg fyrir að menningarstofnanir, félög og einstaklingar sem njóta styrkja á grundvelli þessa samnings sækji um styrki til opinberra sjóða á menningarsviðinu.

7. gr.

Skýrslur um ráðstöfun styrkja

Menningarráð Eypings gerir menntamálaráðuneyti árlega grein fyrir skiptingu framlaga samkvæmt samningi þessum. Jafnframt gerir Menningarráðið ráðuneytinu grein fyrir því hvernig sveitarfélögin hafa staðið við skuldbindingar sínar gagnvart samningnum skv. 4. gr. Í febrúar ár hvert skal Menningarráð senda menntamálaráðuneyti skýrslu um framkvæmd samningsins þar sem árangur verkefna sem hlutu styrk er metinn.

8. gr.

Uppsögn og endurskoðun

Telji annar samningsaðili að hinn uppfylli ekki samningsbundnar skyldur sínar getur hann gert skriflega kröfu um að úr því verði bætt innan hóflegs frests. Sé ekki bætt úr annmörkum á framkvæmd samningsins getur samningsaðili sagt samningnum upp með 6 mánaða fyrirvara.

Samningsaðilar geta óskað eftir endurskoðun á einstökum ákvæðum samnings þessa á samningstímabilinu, ef sérstakt tilefni gefst.

9. gr.

Gildistími

Samningur þessi tekur gildi við undirritun og gildir til ársloka 2009. Heimilt er samningsaðilum að framlengja samninginn um tvö ár að loknu árangursmati sem fram skal fara vorið 2009. Matið skal framkvæmt af aðila sem samningsaðilar koma sér sameiginlega um.

10. gr.

Lögsaga

Leysi samningsaðilar ekki ágreiningsmál sem rísa kann vegna samnings þessa skal það rekið fyrir Héraðsdómi Reykjavíkur.

Samningur þessi er gerður í fjórum samhljóða eintökum og heldur hver aðili sínu eintaki.

Framangreindu til staðfestu eru undirskriftir aðila.

Húsavík, 27. apríl 2007

F.h. menntamálaráðuneytis

F.h. samgönguráðuneytis

Þorgerður Katrín Gunnarsdóttir
menntamálaráðherra

Sturla Böðvarsson
samgönguráðherra

F.h. sveitarfélaganna í Eyþingi

Staðfest af hálfu fjármálaráðuneytis

Björn Ingimarsson
formaður

Árni M. Mathiesen
fjármálaráðherra

Fylgiskjal með samningi þessum er:

- Samþykktir Menningarráðs Eyþings.
- Samstarfssamningur sveitarfélaga í Eyþingi um menningarmál.
- Stefnuskjal Menningarráðs Eyþings.
- Framlög á fjárlögum 2007 til menningarmála á Norðurlandi eystra á liðum menntamálaráðuneytis.

Framlög á fjárlögum 2007 til Norðurlands eystra, sbr. 3. gr. samningsins.

Verkefnastyrkir:

02-982 Listir, framlög

Menningarsamningur við Akureyri skv. samn. 110,0 m.kr.

02-982-1.90 Listir

Berjadagar, tónlistarhátíð á Tröllaskaga 1,0 m.kr.
Dagskrá Tónlistarhússins Laugarborgar 1,0 m.kr.
Músík í Mývatnssveit 0,5 m.kr.
Þjóðlagahátíð á Siglufirði 1,0 m.kr.

02-999-1.90 Ýmis framlög

Akureyrarakademían 1,5 m.kr.
Norræna upplýsingaskrifstofan á Akureyri 1,2 m.kr.
Zontaklúbbur Akureyrar 1,8 m.kr.

02-919-1.90 Söfn ýmis framlög

Fjallabyggð, Náttúrugripasafn í Ólafsfirði 1,8 m.kr.
Iðnaðarsafnið Akureyri 1,5 m.kr.
Safnasafnið á Svalbarðsströnd 4,0 m.kr.

Samtals 125,3 m.kr.

Stofnkostnaður:

02-919 Söfn, ýmis framlög

Síldarminjasafnið á Siglufirði 14,2 m.kr.

02-919-1.98 Söfn, ýmis framlög

Hvalasafnið á Húsavík skv. samningi 10,0 m.kr.

02-919-6.90 Söfn,

Síldarminjasafnið á Siglufirði, viðgerð á skipum 5,0 m.kr.
Samgönguminjasafnið Ystafelli, útisvæði 5,0 m.kr.

02-999-6.90 Ýmislegt

Flugasafn Íslands, innréttingar 5,0 m.kr.
Fugasafn Sigurgeirs í Mývatnssveit 4,0 m.kr.
Garðarshólmi 5,0 m.kr.
Gásir í Eyjafirði, lifandi miðaldakaupstaður 5,0 m.kr.
Heimskautsgerði á Raufarhöfn 10,0 m.kr.
Hvolpafossvirkjun í Gunnólfsá á Kleifum, Ólafsf. 5,0 m.kr.
Jötunheimar, Siglufirði 0,3 m.kr.
Svartárkot í Bárðardal 5,0 m.kr.
Þjóðlagasetur sr. Bjarna Þorsteinssonar 6,0 m.kr.

Samtals 79,5 m.kr.

Samningur um byggingu menningarhúss
á Akureyri

720,0 m.kr.

Samtals **924,8 m.kr.**
